

PRONOSTICA- TION, ET PREDICTION/ DES QVATRE TEMPS, Pour
l'An Bixestil 1572, Qui feront conclus : Mars estant seigneur pour le temps present de la
grande reuolution du monde, & suyura ses effectz iusques à l'An 1616. félon les
mouuemens agilles du firmament, Contemplé & calculé par M. Anthoine Crespin
Nofstradamus, Docteur, Consei- ler, Médecin & Astrologue ordinaire du Tres-Chre-
stien Roy de France . DESDIE à Tref-hault & Illustre Prince, Mon f eigneur le Duc
d'Allençon, Frère du Roy.

ALYON, PAR MELCHIOR ARNOVLLET .1572. Auec Priuile du Roy.

(In-8 de 4 ff.n.ch.)

CF. B.N. : V 21369 ET V 21370

BENAZRA Pag 102 / CHOMARAT 123

P R O N O S T I C A -
T I O N , E T P R E D I C T I O N
D E S Q U A T R E T E M P S ,
P o u r l ' A n B i x e s t i l .

1 5 7 2 ,

Qui seront conelus : Mars estant seigneur pour le temps
 present de la grande reuolution du monde, & suyuera
 ses effectz iusques à l'An 1 6 1 6 . selon les mouuemens
 agilles du firmament, Contemplé & calculé par M.
 Anthoine Crespin Nostradamus, Docteur, Conseil-
 ler, Medecin & Astrologue ordinaire du Tres-Chre-
 stien Roy de France.

D E S D I R à Tres-hault & Illustre Prince,
Monseigneur le Duc D'Alençon,
Frere du Roy.



L Y O N ,
P A R M E L C H I O R A R N O V L L E T .
 1 5 7 2 .
 Avec Priuile du Roy.

v .

PROGNOSTICATION

pour l'annee 1572.



LE Primtemps commence la presente annee 1572. vn lundy 10. du moys de Mars, suyuant les mouuemens agiles du firmament, qui nous demonstre suyuant que Iuppiter, le soleil, Mercure & Venus estans en ascendant le six des Iudes de Mars, avec vn quadrat de Saturne à la lune, & vn treine de Mars à la dite lune, qui demonstre la pluspart dudit primtemps inconstance de temps, avec humidité, & plusieurs maladies pestifereuses, & autres maladies, qui seront incogneues à plusieurs qui font profession de la medecine, de quelque qualité qu'ils soyent: cela s'entend de ceux qui n'auront cognoissance des influences celestes, par les mouuemens agiles du firmament: comme douleur d'estomach, apostumes humides, fistules, imbecilité d'estomach, des reins, & des parties de generation, folie prouenant de trop aimer, mal de Naples, avec ses supposts, & autres prouenans de matiere froide & humide, comme vertique & tourment de teste, legereté de cerueau, semblable à folie, folle imagination d'empeschement de langue, des iambes, pieds & mains. Il defaillira vn grand personnage vieux, dans l'Europe. O quels aduenemens dedans ce primtemps, la bande foible la terre occupera, ceux du haut lieu seront horribles cris, le gros troupeau d'estre coin tremblera tomber pres de nober, descouuert les escrits.

L'Esté commence en la presente annee le 12. du moys de Iuin, vn ieudy, que le soleil entre au signe de Cancer, le trois des Iudes de Iuin, & la lune coniointe au chef du dragon, au signe de Cancer, avec vn quadrat de Iupiter
à la

à la lune, ô quel desplorabile aduenement, tant en l'Afrique, Asie, que en l'Europe, les affligez par faute d'vn seul taint contreminant à partie opposite aux ligonnois, mandera que contrains seront de rendre le grand chef desmolite, & en ce temps defaillira de ce liecle vn prince & vne princesse, & alors regneront des maladies obscurité des yeux, rongnes, tingnes, chancre, lepres, apophlexies, & difformez maladies au visage, & par tout le corps empoisonnement & violence de medecine, & alors sera bon de se seruir de doctes medecins ou plustost ne prendre point de medecine. Le temps sera addonné à bruines au matin, mauuais temps pour les malades, & mesmement pour la gendarmerie, pour les grands dissenteries qui en ce temps regneront, ensemble plusieurs voleries qui se feront tant par mer que par terre. Il y aura plusieurs marchands qui ne vivent que d'vsure, que les vns seront ruinez de leurs corps, les autres de leurs biens, tant par terre que par mer, par lesquels nous sommes grandement marris qu'il y aura plusieurs laboureurs qui en porteront la discipline, en voulant executer les meschans vsuriers. O esclaués, qui estes detenus iniustement sur la mer, le miroir d'Albert le grand s'ouurira enuers les grands monarques de la terre, pour vous faire iustice administrer, & vous pouuez asseurer d'oresenauant que iniustice ne vnus sera plus faite, car les grands princes & seigneurs tiendront vos parties, & les feront executer, & mettront en vos lieux sans rien respecer tous ceux qui disent, vne au Roy, & deux à soy: car celuy qui gouuenera le Liz y mettra vne si grande police, que depuis Alexandre le grand on en n'a ouy parler, & qui sera de tout le peuple tant honoré, ainsi cōme on l'a voulu deshonorer par le passé. O gens de morale paye, soyez asseurez qu'en bref de temps vous serez recompensez du seruice qu'à vostre Roy auez fait par le

passé: & vous prisonniers ou esclaves sur mer, vous vous pouuez asseurer qu'en bref de temps ce que ie vous ay dit contient verité. O trompeurs & flatteurs, s'il ne s'en trouue point aupres des roys, princes & grans seigneurs de la terre, soyez aduertis qu'en bref de temps serez du tout ruinez, car lesdites choses que nous auons dit, contiēt verité. Moy astrologue, qui ay cognoissance de l'air du ciel & de son influence, ie vous peux asseurer que ie ne cesseray par mes escrits ou autrement & par mon globe celeste qui me sert de miroir, comme faisoit celuy de Albert le grand, de communiquer à mon Roy & aux grans monarques & princes de la terre, vos meschancetez qui secrettement & meschammēt depuis vostre aage de sept ans passez, vous seront tous descouverts: & aussi à plusieurs autres qui ne se peuuent nommer, qui s'aimera & doutera se garde. Car nous voyons par lesdits mouuemens des cieux, qu'il y en viendra vn qui descouurira tout plus amplement que ie n'ay fait, & vos estats seront subitement bien abaissez: & ceux qui se sentiront coupable desdites choses, qu'ils mettent vistement leurs enfans en bonne discipline, car la fureur sera si tresgrande, en la pluspart de la terre, que vous n'aurez nul lieu pour vous aranger. Informez vous generalemēt de tous les philosophes & astrologues & pecces de ce siecle, pour scauoir que quand toutes les planettes seront eniointes au signe d'Aries, alors vous vous pouuez asseurer d'estre du tout ruinez ensemble tous vos supposts, & lesdites choses sont bien proches à venir. O quel deplorable aduentement quand les vespres Sicilianes seront executees incontinent plus rudement qu'elles n'ont esté faites au pays des Suysses, par lesquelles i'en suis grandement fache auoir descouuert lesdites choses au ciel, mesmement contre plusieurs gens de bien tenās vostre rang, que violement, iniustement & innocēment par vos meschans
soisfaits

forfaits seront executez: priant le grand Dieu qu'il vueille conduire le tout à sa volonté.

L'Autonne commence en la presente annee le 13. de Septembre, vn samedy le trois des Ides de Septembre, lequel nous demonstre mourir plusieurs gens ecclesiastiques, & mesmement vn grand qui sera de l'Eglise des innocens, le sang des vesues & vierges tant de maux par le moyen de ce grand Roy sainct: simulacres trempez en ardent cierge de frayeur crainte neverra nul qui bouge sous la couleur du traitté mariage fait magnanime par grand chiren, Selin, Quintin, Arras recouurex au voyage d'Espagnols, fait segond banc macellin, & courront des maladies non gueres dissemblables à l'esté, reseruant qu'il y aura plus de fieures qu'en l'autre temps.

L'Hyuer commence en la presente annee, le 11. de Decembre, vn iedy avec vn treine de Saturne à la lune, & vn quadrat de Mercure à ladite lune, le trois des Ides de Decembre: il sera entrepris dans cest hyuer d'executer le monarque voudra dans cité neutue entrer par ennemis expugner lon viendra captif liberé faux dire & perpetrer monare dehors estre loing d'ennemis tiendra vers Aquilon, grands efforts par hōmasse presque l'Europe en lumer vexer les deux eclipses, mettra en telle chasse & aux pauons vie & mort renforcer, & alors courront plusieurs maladies, comme fieure quarte, iaunisse, noire quinquensies, pluresies apoplex & fluxion du sang, douleur de iambes: le temps sera addonné à vents, autrement bon temps par le pays de montznes, & en ce temps les gens mercuriaris, comme gens de plume & leurs semblables, & gens de balance arquimiste, faux monnoyeurs, sergents de iustice: plusieurs d'iceux sont grandement menacez cest hyuer, & generalement ceuz qui conuersent mal en leurs estats, comme plusieurs au temps que nous sommes, qui n'ont honte publiquemēt

de ce faire, ils se doiuent affeurer en verité, que Dieu est sur toutes choses, car quand les planettes seront eniointes au signe d'Aries, ils se reseruiront des Vespres Sicilianes, sus nommees, & de la iournee qui fut faite au païs des Suisses, car toutes les nations de peuple seront grandement animez pour violement executer ceux qui auront mal conuerse: car en ce temps la il n'y aura or ny argent ny amis qui les puissent preseruer d'estre violement executez: & pour ce que maudit est l'homme qui sçait la sapience & ne la veut monstrer, & suiuant que ie suis enclin & naturellement obligé, & astrologue ordinaire du treshaut & treschrestien Roy de France, & suiuant que celuy qui dominera & residera le liz, il doit par sa prudence & sagesse faire trembler & occuper iusques aux terres des Sauuages & plusieurs peuples, & que ces faiçts & gestes seront par plusieurs Cosmographes redigé par escrit. Sa vie & ses hauts faiçts demonstrent qu'il sera superieur sur tous les monarques, depuis l'aduenement de nostre Seigneur Iesus Christi, de quelconque monarque auoir resisté dans l'Europe & l'Afrique, ny l'Asie. Et pource moy, pour estre fait mention desdits cosmographes, desdites choses sus escrites, qui sont en frãçois, par lequel vn infiny nombre de peuple ne pourra entendre lesdites choses, iusques à ce que il les voye passer: & si les auons reseruees pour les communiquer à sa Maiesté & à plusieurs Princes de son sang & de son conseil priué, pour ce que le temps est proche de suiure les effets. car incipiens non cognoscer, & stultus non intelliget. Et deuant seize ans passez les effets seront executez: & pleust à Dieu & à la mienne volonté, que moy ou les miens plus proches qu'ils fussent viuant & proches de celuy qui dominera le liz, pour recognoistre lesdites choses suiure leurs effets en verité. Et tous les meschans qui au present mal conuersent, ils se peu-

tiend:

vient assseurer que ie leur seray contraire par leurs meschans forfaitts, & si ne me pourront nuire par leurs malins effectts, pour ce que celuy qui gouuenera le liz, tenant le sceptre de iustice en sa main, avec la faueur & autorité des plus grans princes & seigneurs de son royaume, qui arresteront tous les petis du present, pour leurs meschancetez & larcins contre eux conquesté, & qui se font pour le present en ce siecle demy dieux honorer.

O Roy tresinuincible, vous vous pouuez assseurer que tous les philosophes & astrologues & poetes de ce siecle croyent à Dieu & en la sainte Trinité, & qu'il est né de la vierge Marie, lesquels honorent sur toutes choses, & de semblable en terre à vostre maiesté, pour ce qu'ils sont naturellement obligez à ce faire, & ensemble à tous les grans princes & seigneurs de vostre royaume, pour ce qu'ils sont nobles de race ancienne, & autres nobles de science par inspiration diuine; nous les honorons pour leurs sciences sur tous les autres, & pour donner à entendre aux petits enfans de sçauoir ce que nous honorons en ce siecle, & pour leur donner double cœur de les incliner à estre instruits au parfait de toute cognoissance & en toute science, & ce faisant ils seront sur tout le peuple honoré: car nous n'honorons point les gens qui sont par faueur des Roys auancez, les vns pour faire des ieux de passe-passe, & pour bien quaqueter, ou par faueur des princes & princesses, pour leur seruice arresté comme nous auons veu par vision, que par le passé y auoit plusieurs sortes de gens, comme contrerolleurs extraordinaires d'artillerie, que pour la premiere fois estre auancez de trente mille francs, qui ont vostre maiesté trompé, & autres meschancetez qu'on a perpetré, que il plaise à vostre maiesté me vouloir accorder que ie ne fusse point contraint à ses paillards, larrons m'humilier, qui sont venus deuant vostre maiesté aussi mal en ordre

Comme moy quand ie fus de vos aduersaires deuant
mais moy m'amusant à contempler la puissance diuine
par le cours & mouuemens agiles du firmament, cesdits
galans se sont au contraire amusez à desrobber & piller
vostre maiesté, mais ils se peuuent assurez que subite-
ment que les grands princes & seigneurs auront la con-
noissance des affaires de vostre royanme, comme en
brief de temps ils meneront la vie que mena Lucibel, car
pour leurs grands superbitez seront rendus en humilité
& ces poltrons & larrons là n'auront point le loisir d'at-
tendre l'aduenement des vespres Sicilienes susnommez
car deuant ledit temps ils seront de tout le peuple exé-
cutez. Or ie m'en rapporte à ce qui en sera de vostre
grande Vniuersité de Paris, le vingtcinquieme iour de
Mars, 1571. le iour que la treshaute & magnanime
princesse madame Elizabeth d'Autriche, fille d'Empe-
reur, fut couronnée Royne de France, lequel priant
mon tresheroyque prince, priant le Createur
vous tenir en santé, & suyuant que
pourez auoir tesmoigna-
ge desdites cho-

ses
FIN.

